

ЎЗБЕКИСТОН РЕСПУБЛИКАСИ ВАЗИРЛАР МАҲКАМАСИНИНГ
ҚАРОРИ**489 Ўзбекистон алоқа ва ахборотлаштириш агентлиги
марказий аппарати тузилмасини такомиллаштириш
тўғрисида**

Вазирлар Маҳкамасининг «Ўзбекистон алоқа ва ахборотлаштириш агентлиги бош директорининг биринчи ўринбосари кўшимча лавозимини киритиш тўғрисида» 2010 йил 26 ноябрдаги 263-сон қарорини бажариш юзасидан, ахборот-коммуникация технологиялари соҳасида кадрлар тайёрлаш ва инновациялар даражаси ва сифатини ошириш мақсадида Вазирлар Маҳкамаси **қарор қилади:**

1. Ўзбекистон алоқа ва ахборотлаштириш агентлигининг Агентлик марказий аппарати тузилмасида Ўзбекистон алоқа ва ахборотлаштириш агентлиги бошқарув ходимларининг умумий сони доирасида таълим муассасалари фаолиятини мувофиқлаштириш ва инновация технологиялари бўлимини ташкил этиш тўғрисидаги таклифига розилик берилсин.

2. Ўзбекистон алоқа ва ахборотлаштириш агентлиги марказий аппаратининг янгиланган тузилмаси иловага мувофиқ тасдиқлансин.

3. Вазирлар Маҳкамасининг 2004 йил 7 майдаги 215-сон қарори (Ўзбекистон Республикаси ҚТ, 2004 й., 5-сон, 47-модда) билан тасдиқланган Ўзбекистон алоқа ва ахборотлаштириш агентлиги тўғрисидаги низомнинг 16-банди иккинчи ва учинчи хатбоши қуйидаги таҳрирда баён қилинсин:

«Бош директорнинг Ўзбекистон Республикаси Вазирлар Маҳкамаси томонидан белгиланган тартибда лавозимга тайинланадиган ва лавозимдан озод қилинадиган тўрт нафар ўринбосари, шу жумладан икки нафар биринчи ўринбосари бўлади.

Мақомига кўра бош директор вазирга, бош директорнинг биринчи ўринбосарлари ва ўринбосарлари — тегишли равишда вазирнинг биринчи ўринбосарларига ва ўринбосарларига тенглаштирилади».

4. Вазирлар Маҳкамасининг «Ўзбекистон алоқа ва ахборотлаштириш агентлигини бошқариш тузилмасини такомиллаштириш тўғрисида» 2004 йил 23 августдаги 404-сон қарори (Ўзбекистон Республикаси ҚТ, 2004 й., 8-сон, 86-модда) ўз кучини йўқотган деб ҳисоблансин.

5. Мазкур қарорнинг бажарилишини назорат қилиш Ўзбекистон Республикаси Бош вазирининг ўринбосари А.Н. Арипов зиммасига юклансин.

Ўзбекистон Республикасининг


Бош вазири

Ш. МИРЗИЁЕВ

Тошкент ш.,
2010 йил 23 декабрь,
306-сон

Вазирлар Маҳкамасининг
2010 йил 23 декабрдаги 306-сон қарорига
ИЛОВА

**Ўзбекистон алоқа ва ахборотлаштириш агентлигининг
ТУЗИЛМАСИ**



Ходимларнинг чекланган умумий сони — 63 киши,
шу жумладан: бошқарув ходимлари — 41 киши;
техник ходимлар — 10 киши;
хизмат кўрсатувчи ходимлар — 12 киши.